



ԲԱՐԳԵՆ ՎԱՐԴԱՊԵՏ

ՈՐ ՈՒՆԻՑԻ ԱԿԱՆՋՍ ԼՈՒԻՑԵ

Կռնական բանավեճերն ու կոիվները
Սատանային ճնարհներեն են:

ԺՈՂ. ԱՌԱՄ.



իլիկիո կաթողիկոսարանի Ժո-
զովրդային խորանի վերջին
դասախոսությունը տեղի ու-
նեցավ մարտի 8-ին Մեմորիլը
Հոլի մեջ: Օրվան Հոգը, դասախոսը՝ Տ. Տա-
ճատ վրդ. Ուրֆալյան— «Հայաստանյայց
եկեղեցվա յիւրը գաղութներու պանպանման
մեջ» նյութին շուրջ: Դասախոսությունն ետը
խոսք առավ Ն. Ս. Օծուխուն կիլիկիոյ Շնոր-
հազարդ Հայրապետը և այդ առթիւ իր տըր-
տի խորքեն պատգամ մը ուղղեց իր հոտին:

Ահա այդ հրաշունչ և բարձր Պատգամն
է, որ կուզեմ գրին հանձնել, որպեսզի
ապելի բազմաթիւ հայեր իմանան այդ
պատգամը:

Ահա նորին Ստեփան Օծուխյան խոսքերը.

«Միջերկր, օղման նյութը շատ վարեւոր մի
նյութ էր. նա ալժմէական մի նյութ էր.
վասնզի ուղղակի կապ ունի մեր առօրյա
կյանքի հետ:

«Դուք չողորդ պետք է լավ իմանաք, որ
մեր անցյալի գոյությունը ուղղակի կախում
ունի Հայ եկեղեցու գոյությունից: Երբ հե-
ռացել ենք նրանից, կտրել ենք ընդմիջտ,
ինչ որ պատմությունը ցույց է տալիս մե-
զի: Ով որ այս իրողությունը չի հասկանում,
նա պատմության, Հայոց պատմության
լիովին հասկացողությունից զուրկ է:

«Միայն չպետք է հասկանաք, ամենք նպա-
տակ չունինք հուզելու կրոնական վեճեր և
կամ գրգռել այս կամ այն հատվածին, որ
կրկնալին այն երևույթները, որոնք գործա-
դրվել են համայնքները հուզելու կամ քնն-
նադատելու. դրանք համաստրապես դատա-

պարտելի երևույթներ են:

«Կհարգենք ու կսիրենք մեր ավետարա-
նական և կաթոլիկ եղբայրներին, բայց
կմնանք Հայաստանյայց եկեղեցու հարա-
զատ զավակներ. Գործակցություն կարող
ենք ստեղծել նրանց հետ բարեհաճության,
ազգային նպատակների շուրջ. բայց դա չի
նշանակում, որ մենք պետք է հրաժարվենք
մեր եկեղեցու ըմբռնումներից: Քրիստոնեա-
կան ոգին ջատ լայն, վեհ և բարձր ոգի է,
ուրեմն և կարնչի է այդ տգիով համագոր-
ծակցություն ստեղծել համայնքների մեջ:
Բայց երբ մեր վստահությունը ի շարն գոր-
ծածեն և իրենց եկեղեցու հաշվուն միսիո-
ներության դիմեն և հետամուտ լինին եկա-
մոստներ որսալու, վազարարդենք նրանց
պետք եղածը:

«Մեզ համար անըմբռնելի երևույթ է, որ
մի եկեղեցի այլ եկեղեցու մեջ միսիոներու-
թյուն կատարե. դա ուղղակի դեմ է քրիս-
տոնեական ոգվուն և ըմբռնումին. հետևա-
բար բողոքում ենք եկեղեցի եկեղեցու
մեջ միսիոներություն կատարելու դեմ:
Տարաբախտաբար այդ կատարվել է անց-
յալում. պետք է դադարի հայ Ժողովրդի և
Հայ եկեղեցու մեջ շատ բերեցինք մի-
սիոներական գործը: Մեր հոգու բոլոր գո-
րովյամբ բողոքում ենք հայ Ժողովրդի և
Հայաստանյայց եկեղեցու զավակների մեջ
կատարվող օտար միսիոներական գործու-
նեությունների դեմ (ծափեր). պետք է վերջ
դադարի մարդոտությունը, մտքերը պղտո-
րելը, եղբայրական վեճ և ատելություններ
ստեղծելը...»

Օգնությունը պետք է կատարվի եղբայ-

րական սիրո վերա և ոչ դարձի բերելու բողոքական դամ կաթոլիկ մտքով: Հին եկեղեցու մեջ փոխադարձ օգնություն այս հիմունքներով է կատարված, որից բազմաթիվ փաստեր ունինք:

«Եթե իմանամ, որ իմ վարդապետներից մեկը կամ մյուսը գնացել է ուրիշ եկեղեցու կամ համայնքի մեջ, կամ նյութական օգնությունը ծառայեցրել է և աշխատել որսարու կամ մարդ դարձի բերելու մտքով, ես խիստ կերպով կհանդիմանեմ նրան՝ պարսավելով այդպիսի հակաքրիստոնեական ձեռնարկը: Քաղ լիցի քաղվելով քույր եկեղեցիով և համայնքի մեջ կատարել այդպիսի գործ. դա կնշանակի ամենամեծ անհասկացողություն քրիստոնեական ոգու հանդեպ: Քրիստոնեական ոգին չի կարող մարտել մարդորսական այս երևույթը. դա է՛նչ ազդելու է, համառոտ, հավատք և դավանություն ծախու առնել, դրամական, նյութական օգնության փոխարեն: Դարձյալ ուզում եմ, որ լավ հասկանաք և սխալ չըմբռնեք, մենք դեմ չենք մեր հայ բողոքական և կաթոլիկ եղբայրներին, մենք հարգում ենք նրանց գաղափարի ազատությունը, նրանք մեր եղբայրներն են, մենք չենք կամենա, որ եղբայրական ատեություններ և վեճեր ծագեն մեր հայ ժողովրդի մեջ, բայց ուրիշի կարծիքն ու դավանությունը, գաղափարի ազատությունը հարգել չի նշանակում, որ հրաժարվենք մեր հայրերի ըմբռնումներից, մեր Մայր Եկեղեցու ուղղությունից և ավանդություններից:

«Հայաստանյայց Եկեղեցին ոչ միայն քրիստոնեական, այլև մեր ազգային և ազգապահպանության եկեղեցին է:

«Եթե այստեղ գտնվում են այնթափցիներ և վեսարիացիներ, նոքա կիմանան, որ ինչպիսի մեծ դեր է կատարել Հայ Եկեղեցին իրենց կյանքի մեջ: Այդ քաղաքների մեր հայրենակիցները ոչ մի ձևով վարդապետ են պահել հայ լեզուն, բայց կարող եմ ասել, որ նոքա մեզ չափ ու մեզինք ավելի հայ են մնացել, որովհետև հավատարիմ են մնացել ազգային եկեղեցուն: Գնացեք Մ. Աթոռ Ս. էջմիածին, գնացեք մանաթանդերուսդեմ և կոնսնեք, որ ամենաթանկագին զգեստներն ու նվերները մեր կենսաբացի հայրենակիցներն են նվիրել: Սրանով ուզում եմ ասել, որ եկեղեցին, Հայաստանյայց Եկեղեցին մի մեծ նախախնամական դեր է կատարել Հայ Ազգի պահպանման գործի մեջ: Տեսեք ուրեմն սիրելիք, կորցրել ենք մեր լեզուն, կորցրել ենք մեր պետականությունը, նույնիսկ հեռացել ենք մեր հայրենիքից, բայց հայ ենք մնացել:

շնորհիվ Հայաստանյայց Եկեղեցու փրկարար գերին (երկար ծափահարություններ):

«Պետք է լավ իմանաք. մեր Հայաստանյայց Եկեղեցին է մեր լեզուն ու գրականությունը պարզեցնել մեզ. նա տվել է հայուն հայերեն Ս. Գիրքը. նրան կպարտինք մեր փառավոր ու դարավոր մշակույթը: Ոչ բողոքականությունը և ոչ հոռմեական եկեղեցին են զաստիարակել մեր ժողովուրդը քսան դարեր, այդ արել է Հայաստանյայց Եկեղեցին. և մեր պատմության բոլոր մեծ մարդիկ մենք կպարտինք Հայաստանյայց Եկեղեցու շունչին, որ հարցուցեր է նրանք: Մենք պետք է հպարտ լինինք նրա զավակները լինելով (բուն ծափեր): Հայ բողոքականներն ու կաթոլիկները մեր ազգակիցներն են, մեր եղբայրները. բայց Հայաստանյայց Եկեղեցու զավակների սիրտը պետք է բաբախի մեր Մայր, պատմական և դարավոր եկեղեցու համար, որ հայի ամենամեծ ստեղծագործությունն է ծագմամբ. գաղափար և հարապաշարքով կապված Հայ ժողովրդի կյանքի հետ:

«Մենք հպարտ պիտի զգանք մեզ, որ այդ եկեղեցու զավակներն ենք (բուն ծափեր) սակայն ոչ հայ կաթոլիկները և ոչ հայ բողոքականները չեն: Հայ Եկեղեցին նաև մատակարարում է հոգևոր փրկությունը լավագույնս, դրանով չենք ուզում ասել, որ արտաքին Հայ Եկեղեցու չիք փրկություն, ինչպես կաթոլիկներն են հավաստում հոռմեական եկեղեցու համար: Այլ թե՛ Հայ Եկեղեցին ազգային տեսակետից յուր ունեցած բոլոր առավելությունների հետ յուր զավակներին կարող է ցույց տալ հոգևոր փրկության ճամբան, որ Ավետարանի սկզբունքներն են, որ մեր Փրկիչ Հիսուս Քրիստոսի կյանքն ու վարդապետությունն է:

«Ինչպես այսօրվա դասախոսության մեջ պարզվեց, Հայաստանյայց Եկեղեցուց հեռանալով մեր գաղութներին մի քանիսր կորած են ընդմիջտ, կորած են թե՛ Հայոց Եկեղեցու և թե՛ մեր Ազգի համար: Այդ երևույթի ամենահետաքրքրական մի օրինակն է Նախիջևանի հայության մի հատվածի պատմությունը, որոնք հատկապես Տոմինիկյանների քարոզության և հոռմեական միսիոներների ջանքերով բաժանվեցին Հայոց Եկեղեցուց և առանձին հպիսկոպոսություն կազմեցին. արդյունքն այն եղավ, որ երբ նեղության օրերն եկան, պարսկական հարստահարությանց, հայաժանքի և բռնության հետևանքով թուլացան և անկարող եղան իրենց հայությունն ու հավատը պահպանելու և ավաղ տախիված

եղան կարևորագույն մասով մահմեդական կրոնն ընդունելու և բոլորովին կորան մեզ համար: Մինչդեռ իրենք՝ միսիոներություն կատարողները ամենից առաջ փախան Եվրոպա...

Նախիջևանի շրջանում գլուխը կան, որոնք պահել են դեռ իրենց հայկական դիմագիծը, հայու արտահայտությունը. մեզ հետ իրենք ևս գիտեն, որ իրենց նախնիքը հայ են եղել. ահա ժողովրդական շարժման հետևանքներից մեկը, լատին միսիոներների և հայ լատինամոլների աշխատությունը, նույնիսկ բուն հայրենիքում նոքա կորան մեզ համար:

Նույն տեսակը երևույթը տեսնում ենք և Լեհաստանի հայ գաղութի մոտ: Մի լավ կազմակերպված, բարգավաճ և զորավոր գաղութ. ոչ միայն կրոնական, այլև դատատանական ազատություն էր ձեռք բերել. իրենց դատերը իրենք էին տեսնում, բայց ափսոս, որ չիք-Նիկոլ եպիսկոպոսի մը պատճառով, որ փառասիրությունը դավաճանեց Հայ Եկեղեցուն, և հատկապես Հիսուսյան կարգի կրոնավորների ձեռքով հաջողեցավ վերջ ի վերջո այս պատվական գաղութը բաժանել Հայ Եկեղեցուց, ու դրանք ևս կորան թե Հայաստանյայց Եկեղեցու և թե Հայ Ազգի համար:

Շրջորդ անգամ կրկնում ենք և խնդրում, որ սխալ չհասկանաք. մենք չենք ուզում վիրավորել հայ բողոքականներին և կաթոլիկներին, նրանք մեր եղբայրներն են, ոչ մի խնդիր և վեճ չունինք նրանց հետ, պատմական իրողությունները նկատի ունինք:

Այլ մեր զավակներին հորդորում ենք սիրել իրենց Մայր Եկեղեցին: Հարգեցե՛ք դիմացինի համոզումը և Եկեղեցին, բայց մեր հայ դավանությունն չընդիլ և տեղի չտալ. լավ պետք է հասկանանք, որ Հայ Եկեղեցին է մեր գոյության պահպանը եղել, նա է մեզ մխիթարել, նա է մեզ հոգվով ծնել և դատարարակել, տառապել մեր ժողովրդի հետ, նահատակվել և քամել յուր զավակների հետ վշտի ու տառապանքի բաժակը մինչև մրուրը:

Մենք հորդորում ենք մեր զավակներին երախտապարտ լինել Հայ Եկեղեցու հանդեպ, և հավատարիմ մնալ նրա օրենքներին, դավանության և սկզբունքներին:

Օրհնյալ լինիք ամենքդ. ամենա:

Կրիկիո Վեհափառ Հայրապետի խոսքերը քրիստոնեական ապրումներու և հայրենա-

սիրական զգացումներու արտահայտություններ են:

Հովվապետական իր լրիվ դերին մեջ է Վեհափառ Հայրապետը: Իր հոտի պաշտպանության համար ան մեզ յուրաքանչյուր հայու համար կուտա գերազանցողին նվիրական պատգամ մը: Մեր սրտերու լավագույն անկյան մեջ պահենք այս պատգամը, ըմբռնելով մեր Շնորհազարդ, ալեփառ և գիտնական Հայրապետին քրիստոնեական ու հայրենասիրական բարձր ոգին:

Բայց մենք պարզ հոգևոր հովիտի, և անարժան մի վարդապետի, (իբր սպասավոր Հայոց Ս. Եկեղեցվո), պիտի ուզեինք խոսքը ըսել կարգ մը հարցերու մասին, ուր ոտնձգություններ կ'տեսնենք մեր պաշտելի և Ողջափառ Հայաստանյայց Սուրբ Եկեղեցվո դեմ:

Պատերազմի անցնող մի քանի տարիներու ընթացքին, մեր այս փրկիրներուն մեջ շատ բաներ տեսանք, լսեցինք ու տակավին կ'լսենք, որոնք հայության ու մանավանդ Հայոց Ս. Եկեղեցվո դեմ ելույթներ էին, ընդվզեցուցիչ ըլլալու աստիճան...: Բայց կապար թափեցինք մեր ականջներուն ու երկանքաբար իջեցուցինք մեր սրտերուն վրա... վասնզի պատերազմի շրջան էր...:

Այժմ սակայն նպատակ չունինք հաշվհարդարի ենթարկել բոլոր մեզի դեմ մեզ հասածներն ու չհասածները, որոնցմով հասկանալի է ոմանք հայ ժողովուրդին ու Հայց. Եկեղեցվո հոտին «բան մը կորեցելու համար» շատ առաջ դացին:

Մեր հայ ժողովուրդը հաջորդաբար պետք է տեսնի և լուսաբանի, որ Պատմությունը քանի՞ հատ Կիլիկիո ԿԱԹՈՂԻԿՈՍՈՒԹՅՈՒՆ կ'անշնա: Պատմական իրողությունները պետք է խոսին, որ տակավին երկու դար առաջ միայն հնարվեցավ Կիլիկյան երկրորդը և կեղծ «կաթոլիկոսություն» մը, արգրենք՝ փառասիրությանց և շահամոլ մղուցակցությանց: Պետք է մեր ժողովուրդը տեսնե մերկացումն ու մերժումը այն բոլոր փաստարկությանց, որոնք մեր Ազգին և Եկեղեցվուն հիմքերը կ'փորեն:

Մեզի՝ բոլորիս անխտիր ուրիշ ճամբա չէ մնացած, ուր միայն դառնալ, դառնալ դեպի արևելք, դեպի Արտագծի գագաթին նշույթով Լուսավորչի կանթեղին կողմը և դեպի Մայր Աթոռ Ս. Էջմիածին, ուր իջավ Աստուծո Միածին Որդին՝ հիմնելու համար հայ ժողովրդի միակ և ճշմարիտ, սուրբ և ողջափառ Հայաստանյայց Եկեղեցին: